

C V D

A I G G

1 6 0 6

R. a. 2

Cl. 2

viii

Nat. K. Gew.
2 V. 15.

Gründlicher vnd warer Bericht/

an 6

9
* * * * *
Von dem neuen Cometstern/

so in der Luft vnter dem Himmel gesehen/
nach dem Niedergang der Sonnen/ in October
vnd Novemb. des M. DC. IV. Jahrs.

Idrman zu getreuer Warnung / mit vleis beschrieben vnd an
Tag gegeben / Durch

Magistrum Albinum Mollerum von Straupitz / in
dem Marggraffschumb Niederlausitz / alten Theo-
logum vnd Astronomum.



Gedruckt zu Eisleben durch Jacobum Gaubisch / In
Vorlegung Nicol Nerlichs / des eltern / in Leipzig.
Im M. D C. V. Jahr.





Dem Bestrengen / E. d. l. e. n
vnd Ehrnobesten / Junckherrn
GEORGIO CASPARO von Münckwitz / Erbs
herrn auff Lindenaw / inn dem Marggraffthumb
Oberlausitz/etc. Seinem großgünstigen Herrn
vnd mächtigen Patronen vnd Förderer.

Zu sonderen Ehren vund glückses
liger Wolfart gestellet / zugeschrieben vnd
verehret / Durch

G. G.

Verrewen vnd allezeit
Dienstwilligen:

Magistram Albinum Mollerum
von Straupitz / in dem Marg
graffthumb Niederlausitz / al
ten Theologum vnd Astro
nomum.



Gründlicher vnd wa-
rer Bericht / von dem neuen Co-
metenstern / so von mir vnd andern
mehr / erstlich gesehen den Sontag nach alten Michael/
oder den 10 Tag neuen Octob. vmb 6. Stund 10. Mi-
nut. auff den Abende / an dem Himmel / gleich mit dem Pla-
neten Mars vnd Jupiter / in dem achten Hause des Zo-
des / nicht weit vom Saturno in dem Schützen / der in et-
lichen Wochen daher an dem Himmel erschrecklich
herein gefänckelt / viel grösser als kein Pla-
netenstern / Nach dem Nidergange
der Sonnen des 1604.
Jahres.

De alten Höchge-
larten vnd Wotersfahrenen
Sternseher haben die Co-
metensternen vnterschie-
den inn dreyerley Art:
Als in Bärtige / Schwän-
zige vnd runde Come-
ten / so da Esternen genen-
net / Nicht darumb / als weren sie rechte / oder
von neues geschaffene Esternen / sondern das
A ij solche

Gründlicher vnd warer Bericht/

solche dem Gesichte nach anzusehen / gleich den
Eternen / vnd viel grösser als kein Planetens-
stern / da doch solche Cometensternen formiret
werden aus irdischer trockener Exhalation in
suprema aëris Regione, auch alda so lange
werezusehen / bis die trockene Exhalation ver-
brennet vnd nicht mehr in die Luft ascendiret,
ex terra in supremam aëris Regionem, in wel-
cher oberster Luft Region allerley ignita me-
theora formiret vnd gewircket werden / vnter
welchen die Cometsternen die Fürnehmsten
sind / bekommen auch ihren Namen von den zu-
nächst wickenden vnd inflammirenden Pla-
netensternen.

Die weil dann in obgemelter zeit der newe
Cometenstern ohne Bart vnd Schwanz / doch
viel grösser als kein Planetenstern / erschienen in
der Luft zunächst an dem Himmel ober den Pla-
netenstern Mars vnd Iupiter / nicht weit von Sa-
turnen / zu mittel des himmlischen Schützen /
sich daraus nicht verrücket / sondern alda unbe-
weglich blieben / der Iupiter aber vnd Mars da-
von weiter gerücket in ihrem natürlichen Lauffe /
Ab Occasu in Orientem, vnd zu vnterschieden
gegeben

Von dem neuen Cometenstern.

gegeben solchen neuen Cometenstern / so wird
derselbe genennet ein runder Cometenstern / Co
meta Iovialis & Martialis, stella crinita ar
gentea & Lampas, wie er den von den gemische
ten Farben des Iupiters vnd Mars / gleich als ei
ne runde brennende Lampe / daher erschrecklich
vñ viel grösser als dazumals die vnter ime lauf
senden Planetensternen Mars vnd Iupiter / her
ein gefüncklet / vnd gesehen vber den Mars vnd
Iupiter / sonst (weil er ohne Bart vnd
Schwanz ganz runder erschienen) were solcher
runder Cometenstern nicht so leichtlich erse
hen / viel weniger erkant worden / vor
ab von den Vnerfahrenen
solcher Dingen vnd
Sachen.




U. W.

Von

Gründlicher vnd warer Bericht/

Von den Bedeutungen des neuen runden Co- metenstern.

 Wöl Anno Christi 1572. fast
gleicher runder Cometenstern argen-
teus vel roseus erschienen / vnter den
Mitternächtigen Sternen der Him-
lischen Cassiopeia, vnd darauff recht offenbar
worden / die ergerliche vnd schedliche Irrthüme
der Calvinisten / von der heiligen Person Chri-
sti / Tauff vnd Abendmal des HErrn / vnd von
andern Artickeln Christlicher Lehren / mit ihrem
eigenen Hon / Spot / Schaben / Verderbniß vnd
Vntergang / beneben andern grossen Vbel vnd
Vnglückemehr / so seind doch die Bedeutungen
des neuen runden Cometensternen viel grösserer
erschrecklicher / trawriger vñ schedlicher / aus Ur-
sachen / das soleher feuriger Cometstern vnter
dem Himmel in der Luft / in dem achten Hause
des Todes erschienen (respectu vilis nostri)
vber der grossen Coniunction der dreyer obern
Planetensternen Des Mars, Iupiter vnd Satur-
nus in Sagittario / nicht weit von Ecliptica der
Sonnen

Von dem neuen Cometenstern.

Sonnenstrassen / gleich als der vierdte aller
gröste vnd oberste Planetenstern / der die andere
drey oberen Planetensternen / auch in dem ach-
ten Hause des Todes / den Mars, Iupiter vnd
Saturnen alle wegnehmen / oberweltigen vnd
zerstören wollen / vnter der Constellation des
Himlischen Schützen / zum theils auch Scor-
pions / gleich als der Monde auffgangen / mit
dem Himlischen Stieren / nahe bey dem schädli-
chen Stern Algol / Die Venus vnd Sonne
cum spica Virginis / auch der Mercurius cum
lancibus Libræ / gelauffen in 6. Ianco morbo-
rum, vitiorum, seruorum & vicinorum / auch
darauff den 14. alten / oder 24. Tag neuen
Octob. erfolget vnd gesehen worden / solche
Chasmata magna / feurige Stralen in der
Lufft / vnd Himmels Zeichen (dergleichen zuvor
niemals gesehen) so den neuen Cometenstern /
vnd darbey die drey oberen Planeten Saturnus,
Iupiter vnd Mars, in dem ganzen Himmel /
von allen vier örtern der Welt / vmbbringen / gleich
als viererley Kriegsheer / von Aufgange / Mit-
tage / Niedergange der Sonnen / Mitternacht /
vnd folgendes Montages den 15. alten / oder
25. Tag

Gründlicher vnd warer Bericht/

25. Tages newen Octob. zu Nacht der zunehmende Monde kommen gelauffen zu dem Saturnen Cometenstern/ Iupiter vnd Mars in Saggittario / gleich als den andern zu Rathe vnd zu Hülffe / das angezündete Feuer zu leschen / (darzu denn auch wolkommen kan die Sonne / Saturnus, Mercurius vnd Venus) da denn so ein grosses / erschreckliches vnd vngewöhnliches Zeichen an den dreien oberen Planeten / newen Cometenstern vnd fewrigen Stralen in der Luft / das von Anfang der Welt bisz daher nicht geschehen / vnd ist möglich nicht mehr dergleichen im Schützen geschehen werde.

Hab derowegen für gut angesehen / solches alles desto zeitlicher an Tag zu geben / auff das wer noch nicht solchen newen Cometenstern gesehen / derselbe verursachet werde / darnach zusragen / vnd den anzusehen nach dem Niedergange der Sonnen / viel grösser als der Iupiter vnd Saturnus / vnd so ihn die Coniunctio der Sonnen vnd Saturnen im Schützen (da er sich verbergen wird) nicht ganz vnd gar dempffet / so kan er auch wol weiter gesehen werden / des Morgens frühe / zwischen dem Morgenstern vnd

Von dem neuen Cometenstern.

vnd Saturnen / vor der Sonnen Auffgange/
wann denn solches geschieht / so werden dessen
Bedeutungen desto schwerer vnd grösser sein/be-
treffende alle Stände der Menschen / das denn
in guter acht zu nehmen nöthig vnd nützlich.

Nach der Astrologischen Lehren aber des
fürnemesten / hochberühmten Astronomi Pto-
lamei principis Astrologorum, vnd anderen
alten Hochgelarten vnd wolersfahrenen Stern-
sehern / werden dardurch gedeutet / der Tod eines
gewaltigen Königes oder Fürsten / beneben die-
sen tödlichen Kranckheiten / schneller Tod etlicher
vornehmer hohen Personen / Verenderungen
der Herrschafften / Entsetzungen ihrer vieler von
ihren Ehrenämptern / beydes in geistlichen vnd
weltlichen Ständen / Verenderungen in der Re-
ligion / vnd hierauff ein grosses vnd vnerhörtes
Vnglücke / da denn die ernstige Straffe Gottes
ergehen werde / vber die in allen Reichstagen
verdampften Calvinisten / will geschweigen / was
sich erheben mag / wegen alter Landes Gerech-
tigkeit / Privilegien / Geistlicher vnd Klöster Güt-
ter / Erbgüter / Land vnd Leuten / vnd wegen an-
gestiffter Gewalt / Fiesel / Nordbrenner vom

B

Türcken

Gründlicher vnd warer Bericht/

Türcken/oder von andern öffentlick en vnd heim-
lichen Feinden / mit grosser Vntrewen vnd Ver-
rätheren/ete.

Darauff denn / beneben dem Türcken Krie-
ge/ erfolgen kan ein schädlicher Fürstentrieg/ mit
erschrecklichem Aufruhr / Morden/ Rauben/
Brennen/ Thetwerzeit/ Pestilenz/ auch vnter den
Eheleuten vnd Nachbarn grosses vnd anschn-
liches Geschlechtes / viel Zankes / Haders/
Grols/ Fechten vnd Rechten nun mehr zuerfah-
ren/ wegen Haab vnd Gut/ Grenzen/ Holzhu-
gen/ Jaget/ Vogelfangs/ Fischereyen/ mit grosser
Vntrewen vnd Bosheit der Knechten vnd Haus-
gesinde / so ihren Herren vnd Frauen heimlich
nachstellen werden.

Da denn auch vbel stehen werden das Wild-
niß vnd Federvih / vnd die grossen Wildjäger
auff der Jagt ein besonderes Vnglücke zu erfah-
ren/ oder zu verhüten haben/ auch anderes Vn-
glücke vnd Vbel mehr gedrewet vnd treffen wird
am meisten das Land Ungern/ Siebenbürgen/
Zipsen / Mähren / Hispanien mit den vier Kö-
nigreichen Castillen/ Gallien/ Navarren vnd
Catalonien/ das ander Theil Franckreichs Gela-
tica/

Von dem neuen Cometenstern.

Italia/ auch Dalmatien/ Slavonien/ das Land
Meissen/ Sachsen/ Marcke/ Schweden/ Polen
vnd ander mehr vnter dem Himlischen Schüt-
zen/ Steinbock/ Scorpion vnd Stieren/ zum
theils auch vnter den Zwillingen/ Krebs/ Leu-
en/ Jungfrauen vnd Fischen/ da denn auch dessen
Vnglückes tun guter Aicht zu nehmen hat / die
Stad Olmitz in Mähren/ die Königliche Haupt-
stad Praga in Böhmen/ Dresden in Meissen/ so
wol Leipzig/ Wittenberg/ Magdeburg/ Dessau/
Zerbst/ vnd andere mehr gegen dem Occident,
vorab an den Orten da der Calvinismus über-
hand nimmet / so sollen auch ihrer Schanzen
eben war nehmen die in nieder vnd über Lausitz/
zu Lubben vnd Budissin in Schlesien vnd an-
dere benachbarte Länder vnd Städte / vnter
den obgedachten Zeichen/ etc.

Insonderheit wird dardurch gedreuet/ Be-
raubunge der Güter/ Tod vnd Vntergang mit
Gefengniß etlicher Jovialischer / Martialischer
vnd Saturnischer / so wol Lunarischer Perso-
nen hohes vnd nidriges Standes/ auch groß-
se Gefahr etlicher statlicher Widfrauen / Le-

B ij

gaten

Gründlicher vnd warer Bericht/
gaten vnd Kauffherren Verderbnuß/ Causa Re-
ligionis ac iusticiæ violatæ, &c.

Darumb denn etliche Geistliche Herren
vnd Prelaten / Bischoffe vnd Doctores, auch
etliche Fürsten / Graffen vnd grosse Herrn / ihre
Rähte / statliche vom Adel vnd Amptsleute / mit
den Religionsfachen / Rechtsfachen / Ehesachen /
Gesetzen / Statuten, Gewonheiten / Privilegien,
Ehenrechten / Erbgüter / Klostersgüter / vnd mit
allen anderen dingen vnd Sachen / vorsichtig
vnd wolbedachtsam handeln vnd wandeln sol-
len. Denn es werden die jentgen am meisten ir
grösten Schaden / Verderbnuß vnd Gefahr kom-
men / so da in der Bedeutungen des Iupiters /
Mars / Saturnen vnd Monden / vnd die in ihrem
Nativitet befinden den Schützen in dem ersten
oder zehendem Hause der Geburts vnd Himmels
Figuren Rational / oder auch in gleichen Zeichen
haben das Glückrad / die Himmlischen Flechter /
oder andere fürnehmeste Planeten vnd Signifi-
catores vitæ & fortunæ, honorum atq; di-
gnitatum, solche sollen sich allenthaben gar wol
vorsehen / vnd vermeiden den verdampften Cal-
vinismum, der auch endlichen wird vaterge-
hen

Von dem neuen Cometenstern.

hen vnd seine Straffe haben / von Gott dem
Herzankündiger vnd gerechtem Richter.

Dem so man alle Himlische Zeichen vnd
getreue Warnungen verachtet / sich daraus nicht
bessert / sondern viel erger wird / so müsse Gott
straffen / wie die verstockten Jüden / vnd zu letz-
te mit dem jüngsten Tage darckta schlagen.

So wird auch dardurch gedreuet dem
gemeinem Volcke / armen Vnterthanen / Bür-
gern vnd Bauern / auch den Handwerckern /
Krämern vnd Händlern / in Städten vnd Dörfs-
fern / so viel Unglücks / Jammers vnd Elendes /
in etlichen zukünftigen Jahren / das nicht zu er-
zehlen / wegen der Religion, Gerechtigkeit /
Schakungen / Krieg / Auffruhr / Mord / Raub /
Brand / Thewerzett / Kranckheiten vnd Ster-
bensgefahr / vnangesehen das etliche Astrono-
mi vermeinen / das auch durch solchen Jovla-
lischen vnd Martialischen Cometenstern im
Schützen das Vbel folte gelindert / der Krieg
vertragen / vnd aller Streit in Religions sachen
vnd Kirchen Ordnungen hingeleget vnd gestillet
werden. * cum victoria correcti Calenda-
rij, auch gute fruchtbare Jahren folgen / so wird

B ij

doch

Gründlicher vnd warer Bericht/
doch solches nicht vberall geschehen oder bestand
haben/angesehen die Bosheit des Martis vnd
Saturni, so da mit Gewalt vber den verdamp-
ten Calvinismum halten / doch zu letzte vnter-
gehen werde.

*Quia veritas premi, aſt opprimi non po-
teſt. Et tandem bona cauſa trium-
phat, &c.*

Vnd ob auch wol ein frommer Fürſt/ Her-
re vnd Regente habe iuſtam cauſam mouen-
di bellum, pro legitimâ deſenſione, & pro
Lege ac Grege, ſo ſolle es doch heißen :

In allen dingen wol bedacht/
Hat es niemals Schaden gebracht.

*Quia bellum mouere facile eſt, ſed ſeda-
re bellum difficile eſſe conſtat ex hiſto-
rijs publicis, &c.*

So ſpricht auch der Heide Virgilius:
Nulla ſalus bello, pacem te poſcimus omnes.
Das

Von dem neuen Cometenstern.

Das ist:

Es ist kein Heil noch Nutz im Krieg/

Wer Frieden helt/ der hat den Sieg.

Selig seind derowegen die Friedfertigen/
so den schönen Frieden lieben / alles zum besten
kehren vnd zum Friede rahen. Denn solche
werden Gottes Kinder heissen/ Matth.
cap. 5.

Es sollen auch die Christlichen Regenten/
Herren vnd Amptsleute gegen den armen
Vnterthanern sich dermassen erzeigen/ das
Gott daran ein Wohlgefallen haben möge / bey-
des was anlangt das heilige Wort Gottes/
rechter Verstand vnd Gebrauch der heiligen
Sacramenten/ vnd ihre arme Nahrungen helf-
sen befördern vnd schützen/ nicht in Grund ver-
derben / auch hierbey sich zuerinnern haben von
ihrer Sterblichkeit/ vnd von dem jünstigen Tage/
Luc. cap. 21. Es werden Zeichen geschehen
an der Sonn / Mond vnd Sternen/ vnd
die Krefft des Himmels werden sich be-
wegen/ ehe denn da kömme der erschreck-
liche Tag des HERN.

Vnd

G ründlicher vnd warer Bericht/

Vnd das die letzten Zeiten vnd Tagen so arg
vnd geschwinde sein werden/ das kurz vor dem
jüngsten Tage/ gemeyne werden sollen/ solche sub-
tile Irrthümbe (als eben seind der Calvinisten)
Blindheit vnd Verstockunge: Das wo mög-
lichen / auch die Außerwehleten darein
sollen verführet werden/ Matth. cap. 24.
Also grosse vnd schwere Irrthümbe vnd Straffe
Gottes/ das wenn der HErr Christus kommen
wird zu richten die Lebendigen vnd die Todten/
Er keinen waren Glauben finden werde bey den
Menschen Kindern auff Erden / Luc cap. 18.
O tempora, ô mores, ô Religio! Das lasset
euch keinen Eckerz sein / sondern lasset euch
solches zu Herzen gehen / vnd Busse thun/
etc.

*Quia Deus potest imperare causis secun-
dis, & precatio iusti multum poterit,
atq; fato prudentia maior, &c.*

II. Weiter



Von dem neuen Cometenstern.

I I.

Welter ist zu mercken das / ob wol durch
den neuen Cometenstern / beneben den
wirkenden drey oberen Planeten Satur-
nen, Iupiter vnd Mars, ein vnbestendiges Ge-
witter gefunden / so kan doch racione Come-
ta in Sagittario, signo calido ac sicco, darauff
erfolgen ein trockeness / klares Wetter / hartfrö-
stiger Winter mit den scharffen Winden Osten
vnd Norden / auch in etlichen nachfolgenden Jas-
ren zu befürchten / grosse Trockenheit mit Vn-
fruchtbarkeit der Erden vnd Beumen / Miß-
wächs am Ackerbau / Schaden vnd Verderb-
niß am Bergwerck / so fern solches Vbel (nechst
Gott vnd dem Christlichen Gebete) nicht gelin-
dert werde (wie auch oben gemeldet) das etlicher
Meynunge sey / das durch solchen Jovialischen
vnd Martialischen neuen Cometenstern / alles
Vbel vnd Vnglücke solle gelindert vnd ge-
stillet werden / darzu der Allmechtige
vnd gütige Gott seine Gnade vnd
Segen geben wolle /

Amen.

¶

¶

Gründlicher und wahrer Bericht/

III.

Vor die Gelehrten besonde-
re Aphorismi, von dem newen runden
Cometenstern im Schützen/nach der Meinun-
ge Ptolæmæi/ vnnnd anderen Stern-
sehern.

1.

STella crinita vel orientalis, aut oc-
cidentalis significat mortem alicu-
ius Regis vel Principis, &c.

2.

Cometa in Sagittario signo humano, mi-
natur neces, ac interitum Regibus, Prin-
cipibus & hominibus, etiam incommoda
Venatorum, nec non damna volucrum, quæ
sunt in maximo usu, &c.

3.

Ille Cometa rotundus primò visus sub cœ-
lo in octava domo mortis, significat mu-
tare administrationes publicas, & magistra-

ELIS.

Quoniam dem nomen Cometenstern.

tus, cum morbis plurimis, ac morte repentina illius populi, in cuius signo conspicitur, nimirum sub Sagittario, &c.

4.

Iste Cometa Iovialis etiam in Sagittario signo Ioviali, significat mutationes in Religione, vel Religionis, legum, statutorum, privilegiorum, nec non infinita mala causa Religionis ac Iusticia violata, &c.

5.

Cometa Lampas in Sagittario, elevatus supra Martem, Iovem & Saturnum, adveniente Luna in Sagittario, minatur necesse ac interitum Iovialibus, Martialibus, Saturnianis atq; Lunaribus hominibus magna fama, & qui administrant officia publica, &c.

Itaq; patietur detrimentum omne id, quod subicitur Iovi, Marti, Saturno & Luna, &c.

6.

Ista stella crinita apparens in Sagittario, significat, quod in partibus Regni Babilonici

C 2

nici

Gründlicher vnd warer Bericht/
nici & terra Baldasz morbi Ephimediales,
& mors plurima erit, Rex quoq; istius impe-
ri, extremam diem claudet, id est morietur,
teste Albohazenhelio, &c.

7.

Cl. Ptolæmæi Centiloq. 100. Cometa ap-
parens in loco declinante, vel in octa-
ua domo mortis, significat morbes plurimos,
ac repentinas mortes, & quia ille Cometa ar-
genteus in Sagittario, etiam in octava domo
mortis fuit immobilis, minari videtur adven-
turum provincialem hostem, vel significat
clandestinos motus, incendia & bella civilia,
Fürstentrieg / atq; alia plurima mala, causâ
Religionis & iusticiæ violatæ, &c.

8.

In Summa es sey ein Cometenstern wie
Der wolke barbatus, caudatus vel rotun-
dus, ehnlich einer brennenden Lampen / o-
der klaren Rosen / so erscheinet doch keiner ver-
geblich / sondern er bringet allezeit mit sich tödt-
lichen Abgang hoher Häupter / Verenderungen
der

Von dem neuen Cometenstern/
der Herrschafften/ Unglücke inn Religion/ Ges
sehen/ Statuten, Privilegien, Krieg/ Aufruhr/
Raub, Mord/ Feuersbrand/ Trockenheit/ Un
fruchtbarkeit / Thewerzeit/ Hunger vnd Ster
ben/ vnd anderes Unglücke mehr/ wie auch sol
ches offenbar von den schwenzigen Cometen
stern/ des 1577. vnd 1596. Jahres/ was dar
auff erfolget in Ungern/ Hispanien/ Frankreich/
Niederland/ Westphalen/ Marcke/ Schweden/
Polen vnd in anderen Orten mehr/ das ist man
noch wol eingedencke. Also wird auch auff die
sen neuen Cometenstern im Schützen/ derglei
chen vnd noch viel grösseres Unglücke gedre
wet/ vnd etwas besonderes neues zubefürch
ten das noch niemals erfahren worden/ etc.

Ob auch wol in meiner Practica Astrolo
gica Anni 1604. zuvor prædiciret/ das ein ne
wer Cometenstern vnd andere grosse Himmels
Zeichen/ als Chasmata & Paelia kommen
würden/ so geschehen doch solche Zeichen aus
sonderlicher Zuschickunge Gottes/ vnd seind
Vorboten beydes Gottes Zorns vnd Straf
fen vnd des zunehmenden jüngsten Tages/ ist der
frommen


Gründlicher vnd warer Bericht/ etc.
frommen Christen Erlösunge/ vnd der Gottlo-
sen Verdammis/ Matth. cap. 24. vnd Luc.
cap. 21. etc.

Derhalben merckende auff den neuen Co-
metenstern vund offte geschehenen Feuerstralen/
drey Sonnen vnd etliche erschreckliche vngewö-
ren Geburten/ lasset vns in warer Busse wa-
chen vnd beten/ auff das wir allem Vbel so da-
kommen sol auff Erden/ entfliehen/ fromm
vnd selig werden/ durch Jesum Chri-
stum vnsern H. Erren vnd waren
Heyland / Amen /
Amen.

E N D E.



[Pol. Bl. 203]





79d 1071




ULB Halle 3
003 269 54X




an 7 = Handschrift sb.

1017







ndlicher vnd warer Bericht/
* * * * *

in newen Cometstern/

nt vnter dem Himmel gesehen/

iedergang der Sonnen/ in *October*
ovemb. des M. DC. IV. Jahrs.

er Warung / mit vleis beschrieben vnd an
Tag gegeben / Durch

num/Mollerum von Straupitz / *in*
raffhumb Niederlausitz/ alten Theo-
ogum vnd Astronomum.



bleben durch Jacobum Gaubisch / *In*
Nicol Nerlichs / des eltern / in Leipzig.

Im M. D C. V. Jahr.

an 6

